

26.05.2022թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 448521/03

ՎԱՐՉԱԿԱՆ ԻՐԱՎԱՆԱԽՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Արման Մնացականյանս, ուսումնասիրելով 26.05.2022թվականի թիվ 19079 վարչական իրավախախտման վերաբերյալ արձանագրությունը, քննելով թիվ 19079 վարույթը և կից նյութերը,

ՊԱՐԶԵՑԻ

«Հայկական շաշկու ֆեդերացիա» ՀԿ-ի (ՀՎՀՀ՝ 02562089) նախագահ Ալբերտ Պողոսյանը (ք.Երևան, Վ.Շենգավիթ 2փ. 42. բն.5) համաձայն <<Հասարակական կազմակերպությունների մասին>> ՀՀ օրենքի 24-րդ հոդվածի 4-րդ մասով սահմանված ժամկետում՝ հրապարակվող հաշվետվությունների համար նախատեսված կայքում թերի է հրապարակել 2021 թվականի տարեկան հաշվետվությունը, մասնավորապես՝ հաշվետվությունը չէր կարող հաստատվել հաշվետու տարվա ընթացքում գործադիր մարմնի կողմից 22.03.2002 թ-ի որոշմամբ և 3-րդ կետում լրացված տվյալները՝ կանոնադրությամբ սահմանված գործունեության առարկային և նպատակին չեն համապատասխանում, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169.26 հոդվածի 1-ին մասի:

Կողմին հայտնաբերելու նպատակով ձեռնարկվել են համապատասխան միջոցներ: Գործում առկա չէ առարկություն կամ բացատրություն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 244², 281 հոդվածներով և 282 հոդվածի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 169.26 հոդվածի 1-ին մասի, Ալբերտ Պողոսյանի նկատմամբ կիրառել վարչական տույժ՝ նախազգուշացում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



ԱՄՆԱՏԱԿԱՆՅԱՆ

Համաձայն Վարչական իրավախախտումների վերաբերյալ ՀՀ օրենսգրքի 169²⁶ հոդվածի.
«Հասարակական կազմակերպությունների մասին» Հայաստանի Հանրապետության օրենքով նախատեսված պարտադիր հրապարակման ենթակա հաշվետվությունը թերի հրապարակելը, օրենքով սահմանված կարգով և ժամկետներում հրապարակելը՝ առաջացնում է նախազգուշացում հասարակական կազմակերպության իրավասու պաշտոնատար անձանց նկատմամբ:
Օրենքով սահմանված կարգով նախազգուշացվելուց հետո՝ 30 օրվա ընթացքում, հասարակական կազմակերպության կողմից Հայաստանի Հանրապետության պետական եկամուտների կոմիտեի պահանջը չկատարելը՝ առաջացնում է տուգանքի նշանակում հասարակական կազմակերպության իրավասու պաշտոնատար անձանց նկատմամբ՝ սահմանված նվազագույն աշխատավարձի հիսնապատիկի չափով:
Տուգանքի նշանակման օրվանից հետո՝ 30 օրվա ընթացքում, հասարակական կազմակերպության կողմից Հայաստանի Հանրապետության պետական եկամուտների կոմիտեի նախազգուշացման պահանջները չկատարելը կամ ոչ պատշաճ կատարելը՝ առաջացնում է տուգանքի նշանակում հասարակական կազմակերպության իրավասու պաշտոնատար անձանց նկատմամբ՝ սահմանված նվազագույն աշխատավարձի երկուհարյուրապատիկի չափով:
Մասնակցեցի գործի քննությանը, որոշման վերաբերյալ առարկություններ չունեմ _____
Ստացա որոշման պատճենը _____